

湖
海
詩
傳

湖海詩傳卷二十四

青浦王昶德甫輯

胡高望

字希呂號崑圃仁和人乾隆二十六年殿試第二人及第官至左都御史諡文恪

春日就亭卽景

碧蘿掩映小林坳繞屋平岡迤邐經一曲蕭江晴入畫幾層
閣岫暖浮青登臨到處開襟抱風雅當年見典型好景無邊
添勝賞佳遊彷彿峴山亭

校士寧都

春光駘宕過梅川民物熙和境靜便膏雨乍收青眼外人家
多住翠微邊

翠微巖距寧都城西十里金精二峯之一也魏永叔有翠微峯記

關心芳序攀蘭節入畫

輕陰釀麥天最喜時平風俗美星輅周覽記經年

校試諸部已一時矣

趙翼

字雲松號甌北陽湖人乾隆二十六年

殿試第三入

及第官至貴西道有甌北集

蒲褐山房詩話雲松性情磊落才調縱橫而機警過人所遇名公卿無不折節下之切受知於汪文端公及入中書直軍機處傳文忠公尤愛其才旋以及第收翰林數年間放知府出守廣西筑室時綢緞用兵詔選陞占餘才助蒐軍實其性承陽生誠齋文忠將督兵架大造之遺夢又為李制府所賞調廣州并登鵲剡籍以甌北集以時老留養遂不復出迨今幾三十年同籍與袁子才將心餘友善才名亦相若故心餘序其詩謂典酬落筆百怪奔集奇恣雄健不可逼視子才謂其忽正忽奇忽雅忽俳神史方音皆可開入胸知言也乾隆辛亥夏余與凌樹勳尚書李使憲鄭高郵君時主揚州詩餘擊舟見訪齒杯促膝竟日而返器其驚舊交嗜譚藝如此

遊惠山

曉綠梁溪行波滑一枝櫓忽聞溪流聲知是夜來雨舍舟入林麓霽色澹天宇空翠霏濛濛孤烟起縷縷葉落風自掃山缺雲或補言尋漪澗堂寒碧見太古邾訝尺許深汲纓萬人

取始信一眼泉中涵滿腹乳臨流澄水觀眉髮朗可數翻嫌
塵網身到此成儉楚口斜歸路促勝遊歎莽魯回首蒼山巔
新月上高樹

同顧北墅王漱田觀西洋樂器

郊園散直歸訪奇番人宅中有虬鬚叟

欽天監正劉松齡等皆西洋人

出門敬迓

客來從大西洋官授義和職年深習漢語無煩舌人譯引登
天主堂有象繪素壁靚若姑射仙科頭不冠幘云是彼周孔
崇奉自古昔再遊觀星臺爽塏上勿囂玻璃千重鏡高指遙
天碧日中可見斗象緯惻晨夕斯須請奏樂虛室靜生白初
從樓下聽繁響出空隙噌吰無射鐘嘹唳蕤賓鐵淵淵鼓悲
壯坎坎缶清激鐸于丁且寧馨折拊復擊瑟希有餘鏗琴澹
忽作霹靂玉鳳唳簫烟竹龍吟笛連荆控榻底頻櫟鉏鋳脊

靴耳柄獨搖笙舌炭先炙吸噓等調簧節簇筇赴拍篴疑老
姬吹筑豈漸離擲琵琶鐵撥彈箏箏銀甲畫空泉濫篴篴薄
雪飛篴篴孤倡輒羣和將喧轉稍寂萬籟繁會中縷縷仍貫
脈方疑宮懸備定有樂工百豈知登樓觀一老坐撫壁一音
一鉛管藏機捩闕膈一管一銅絲引線通骨骼其下輔風囊
呼吸類潮汐絲從橐籥絀風向管孔迫衆竅乃發響力透勝
理弄清濁列若眉大小鳴以臆韻仍判宮商器弗假匏革雖
雖繼韶護亦頗諧礪繹白翎調漫雄朱鷺曲未敵奇哉創物
智乃出自蠻貊緬惟華夏初神聖幾更易鸞鷟肇律呂柷黍
度寸尺嶰谷截緣筠泗濱採浮石元聲始審定萬古仰嗣獲
迢迢禪海外何由來取則伶倫與后夔姓名且未識音豈師
曠傳譜非制氏得始知天地大到處有開闢人巧誠太紛世

暇休自窄域中多墟拘儒外有物格流連日將暮蓮漏報西
刻鐘歸將寫其聲畫肚記枕席

錢充齋觀察遠餉永昌麪作餅大嚼詩以誌惠

人客生計窘晨起惟啖粥山行想酒樹野處訪麪木嘉惠荷
故人玉屑餽滿簏貧兒詫驟富動色到僮僕於焉商食單享
此非分福冷淘勞擗旋水引費撈漚鱗饑乏脂豨腦脆少棧
鹿餽饑法不嫻餽餽料未蓄聞昔蠻荒中祭必人首戮武侯
南征來改薦饅頭熟今行卽其地厥例正可續又無起酹具
籠篋枉削竹緊惟作餅事力省成易速鴟夷料澗泉鴉嘴鋤
野藪先採銀泥爛次納金薤覆按抄彌餽縫按撫擴邊幅周
輪倣鏡圓空中肖壁覆火不武而文功旣翻又覆逼燄焦有
癡得氣飽如鴟斯須動順朶雪膚瑩滿盃饒口欣過屠亟趁

出鍛煥寧顧齒牙倦本無書畫贖一笑戎馬間將軍不負腹
却憶豪富家茲事關鼎餗束皙賦猶陋吳均說未錄佳名巨
勝殊雅製曼陀獨攬蜜雕駝蹄拌槐蒸兔目肪求赤髓羊腴
選舐背犢膏環圖無端儼條直不曲仿古紅綾包翻新綵花
簇百和工雜糅千層互連屬裂作十字勾釘就五色郁酥有
見風消薄可映字讀脆或嚼爲紛軟或卷成束視我腐儒餐
奚啻飯脫粟顧當飢渴中所願良易足中流遇一壺直抵舟
萬斛殷勤謝珍貺敬誌古誼篤已增十日糧况勞千里轂從
軍王仲宣累人閔仲叔飢驅彭澤詩乞米平原牘生平骯髒
氣不覺滋愧慙所悲茹淡久欲語羞再讀晉飢惟恃秦隴得
又望蜀何當更拜嘉庖人口繼肉

照陽關

歸順州與小鎮安分界處絕壁無路忽山半一洞如城門以通往來

危崖如削鐵橫列截前路間道無可尋陡壁孰能赴地絕天
爲通神廟在雲霧初時貿貿行心疑僕夫悞黑箐叢篁間線
道屢盤互攀躋過木杪始見洞穴露其深三四丈其廣十餘
步恰從巔絕處橫穿一罅度岡若城關門兩頭俯烟樹地迴
去天近日出光早响關名日照陽應補酈生註外達交趾國
內連邕管戍雖似入甕行不比由竇汚設無此厚豁萬古寧
嵐銅時清消警備不藉儲胥護重閉念勇夫詩成仍却顧

青山莊歌

毘陵城北皆平地何許林巒叠層翠路人說是青山莊門帖
新題官賣字我來出郭偶經行欵戶曾無主出迎繡閣雕甍
空尙在殘山剩水不勝情頭白園丁老扶病爲余縷述資談
柄園是前朝貴介爲依稀記得延陵姓後屬安昌相國孫甘

湖海詩傳卷二十四

四

年行樂尤繁盛相國勲名在廟廊清貧未有午橋莊令孫繼
起爲方伯分陝曾裁召伯棠罷官歸從常州住百畝林扃供
散步入門便陋舊規樵大笑前人太寒素已編錢埒買堂成
拚倒金籬將地步不覺松杉也改觀何曾臺榭還如故綠垣
甃異枳編籬砥室樂臨花夾路十馬馳毬闌作場百牛拖石
排依樹粉本溪山似嶂懸壁衣籓潤皆紗護一重一掩景迴
環某水某邱途錯互倚杖疑探栗里幽汎舟訝入桃源誤勝
賞經年興不殘四時花鳥暢遊觀清音警露鳴仙鶴浴熊鱗
春艷牡丹西府海棠移釵砌上林盧橘植雕闌跳波魚婢能
知樂挂檻鸚哥解勸餐園林成後教歌舞子弟兩班工按譜
法曲猶傳趙部箏新腔催打花奴鼓反腰貼地骨玲瓏擎掌
迎風身媚嫵阿誰棋墅作壺觴綈几羅幬樂未央幸舍賓朋

珠履貴便房姬妾翠釵香傾城妓入籠鵝館要路官登射鴨
堂熱客倚冰終日計乞兒向火一羣忙主人白顧矜豪放揮
霍不將錢籠障博局籌償舊帑錢纏頭錦出新花樣茶經蟹
眼淬棋檯食品猩脣調醞醬蠟淚成堆更熟膏酒瓶臥壁仍
傾釀笙歌酬倚賞花亭燈火醉歸邀月舫白製當筵上壽詞
青山與我長無恙豈知卮漏比泉流倚頓潛懷折閱憂已失
又思求塞馬未蹊輒欲奪田牛豪名本足招人妒禍事真成
與鬼謀張樂正期投轄飲叩門忽報檻車收填尸園土悲黃
犬回首歡場付爽鳩春夢一場那可再祇今惟有青山在青
山也要屬他人官價三千聽人貸猶憶倉皇對簿趨難憑復
壁寄鑑銖委地圓籤爭剔玉隨身衣履敢留珠翻教百口求
春貨那有千金賄獄輪籍到平泉花木簿林霏亦似淚模糊

平生枉使錢如水此日人情薄於紙有誰廣柳路旁迎并少
綠珠樓下死老僕如今也入官仍充闥戶守荒寒飢窮全仗
遊園客給一文錢一度看往日監門梁肉厭近時失路斗升
難我聞此語心振觸信有與衰如轉轂重向林巒曲折尋繁
華彷彿留人日垂楊影裏釣堪垂秋樹根邊書可讀愛山我
乏買山資有山渠少看山福空餘別廟祀花神自塑泥身占
巖谷盡寢香消落燕泥空堂氣冷飛蝙蝠平津廐庫古曾悲
華屋山邱今莫哭梓澤風流昔未經踏春偶到訪池亭無端
一段園丁話說到傷心不忍聽日暮歸途回望處夕陽猶照
晚山青

南珍

維粵宅南位離火陽明所耀開菁英凡百瑰瑋負奇質咸不

脰走來羊城天寶旣徵予鉅厚人巧亦見工力精不惟其產
惟其聚奇彩耀市目欲瞠南烹食貨且勿述試數服玩僕屢
更疊紋吉貝貢入篋繭絲胡蝶纈滿籬盤金繡毬龍鳳舞蹴
花文錦荇藻縈不知鯨人在何處方空織出涼綃輕禽羽爲
毳猷毛罽艷殺血染紅猩猩雕鏤肖形推象齒圓爲牟尼方
觚稜蕉葉剪裁掩紉扇椰瓢裝相抵兕觥奩具斑浮璫瑁
屏風眼活孔雀翎蟬翼燈清罽霧縠龍鬚席軟輕桃笙檀櫞
斷器訝笏滑玻璃懸鏡涵水明復有絕技出海外能連天咫
規璣衡機括測景針自指橐籥按刻鐘輒鳴其他珍異難殫
述禪磬瑪瑙猶嫌俗蜜蜡淨無雀腦白琥珀瑩有虬松頽蒸
栗膚服黃蠟石落茄花映紫水晶就中更貴珊瑚樹鐵網蛟
得逾球瑛丹幹磊阿枝鬱律光賤絳燭高朱櫻

珊瑚以蜡燭紅爲
曉櫻桃紅爲貴

瓊州沉香亦佳品黎母東洞最擅名伽楠生結鴨頭綠搗之
指爪微痕生是皆貴重不易得市牙尙有價可評賞鑒家且
置勿道別購骨董追姬羸土花斑攷古篆甬水銀皴辨舊玉
珩晉唐名畫丹碧絹柴汝秘瓷翡翠畏其晚出者寶益異金
剛鑽及狸貓睛組母綠射綵華透松兒紋裂鐵線橫青金石
取烏斯藏碧霞璽採猛密院更有珍珠似明月月華入蚌胚
胎成合浦六池產有幾販自番舶來重瀛重或數銖大徑寸
形體圓滿光晶瑩蘭櫝雅宜玫瑰飾玉盤肯逐琵琶傾一握
便可百千索賈胡居奇恣取盈計直不數金三品誇富何論
其百朋地人物齎信繁盛匹夫懷璧徒硜硜噫嘻乎連城照
乘古所艷要祇一得難兼營豈若此邦備衆美始信與臣川
物宏從來物聚於有力惟購者衆始畢呈爲問粵中各官吏

其家豈必皆鄭程 朝廷制祿有定額何以官橐多奇贏伊
余一雙書生眼乍睹不覺適適驚腸飢未踏羊蹄菜指動忍
染龍鼎羹竭民脂膏飽嗜好不有人禍將天刑吳隱酌泉表
素節包老投硯垂徽聲雲烟過眼付一笑蕭然氣味含孤清

題葉菴僧遺像

曾住花山最上層披圖猶見骨峻嶒立朝章疏批鱗手易世
衣冠削髮僧故國遺墟傷北望空門法席演南能孤標自是
經奇士莫但相推續佛燈

哭門人董東亭庶常

十年一第返江關也算人生衣錦還到白家惟懸磬在病來
身死亂書間方修民
陵邑志消埋奇氣虹千尺零落殘蕭豹一斑贏得
憐才情不少京華朋舊淚同潸

孤露身真落葉如會憐少賤帶經鋤生無薄產常依婦才可
名山未著書家在一方鴻爪裏名沉千古貉邱餘從知墮地
須論命何物憑君覽賢初

漫興

紙窗涼通露華清顧影蕭然感易生漸老髭毛挽黑白就衰
筋骨驗陰晴將車送鬼窮難去食字求仙候未成手剔寒燈
清不寐階前落葉報秋聲

送章倍同編修視學湖南兼寄諸桐嶼辰州

簫函五色麗朝霞遙指荆南驛路賒道脈至今稱嶽麓才人
自古到長沙雲開衡岫占文筆帆轉湘流過使槎大雅扶輪
須努力儒生此職最清華

行部辰陽禮數寬有人手版謁征鞍

同嶼君
同年也

應劉才子原同調

屈宋衙官恐未安，燕寢香凝杯酒暖。轅門風靜鼓聲寒，相逢爲道鄒卿老。白少詩朋興漸闌。

聞桐嶼罷官卻寄

一麾出守到辰陽，忽被彈蕉孰中傷。儒術豈應疎撫字，仕途未可恃文章。空留東閣花如雪，可惜中年髣髴未霜。太息春明分手日，會期治行漢循良。

竹君述菴蕝園來殷耳山璞函小集寓齋卽事

老屋三間聚履綦，到來便擬夜歸遲。地非北郭聯吟處，人似西園雅集時。名飲豈須絲竹肉，清談無過畫書詩。只慚蔬韭誇高宴，未免人嗤措大爲。

蕭寺看花僅幾旬，俄驚裘褐戒霜晨。年光真覺如彈指，著述猶難判等身。五鼎食中無我輩，千秋亭外幾癡人。祇應轟醉

過殘臘此便消寒第一巡

浮湘

碧天無際水茫茫泛機遙臨楚塞長不比逐臣須禱嶽從來
詞客例浮湘路經九曲帆頻轉地爲三閭草亦香懷古高吟
到分夜一聲清瑟數峰蒼

永州道上

烟雨瀟湘泛使槎九疑一半暮雲遮長途已過峰回雁寬政
今無俗捕蛇袁渴尙傳遷客記浯溪難訪漫郎家篋中剩有
春陵句留伴孤燈一炷斜

崑崙關咏古

灑洒軍門正滿壺嚴關夜半已潛驅千秋部曲皆番落
今各土司皆秋公從正將一片山川尙陣圖何必梁公爲遠祖不妨季布是黥
校之後也

奴經過想見英雄氣古木飄風叫鷓鴣

述庵璞函緣事罷官亦從軍來滇却贈

幾載京華共酒樽豈期炎徼再相親
翻愁日下無名士却喜天南有故人
株累驚心金齒戍巢痕回首玉堂春
好將戎幕聯詩社吟徧蠻鄉景物新

哭果毅阿公病歿於軍

曾從絕域立功回五百驍兵萬賊摧

四部之役公以五百兵敗賊萬眾

使相旌旗開

幕府上公劒履畫雲臺攻心徼外勲垂就

匪受降僅數日矣

曳足軍中

志可哀太息金沙江畔路將星寒落浪花堆

曾忝軍諮畫策長血痕親見裏金瘡可憐病到三遺矢猶自

身衝百戰場門望高還傳帶礪國恩深爲紀旂常獨悲丹

旂還都日故吏無由奠一觴

慈元殿

宋楊太后局
帝舅居此

中土無家寄海隅數椽椒宸莽榛蕪遺蹤漫擬陽人聚塊肉
曾攜趙氏孤臣妾僉名羞作表公卿負辰儼成圖最憐涕泣
臨危語何減唐宮麥飯呼

壬辰冬仲以廣州獄獄舊事吏議左遷特蒙 溫旨

送部引見 聖恩高厚蓋猶不忍廢棄而衰親年

已七十有五書來望子甚殷諭令早歸以慰倚闕望

因呈乞開府圖公給假旋里擬卽爲終養計途中無

事感 恩述懷作

一重公案律條訛鵠株非關吏議苛迂拙自慚更事少

聖明猶慮棄才多恰從順水乘歸櫂擬乞閒身著釣簑不是

敢辜

恩命重高堂衰鬢已全皤

多謝諸公苦挽行

國公堅欲奏留補山約軒笠民諸公亦多敦勸

實無才可濟蒼生勤將政

補猶形拙清愛人知己近名坎坎伐檀歸客思依依打柳故
人情翻教不忍輕言別嘗酒更番爲治觥

衙齋無事可消磨一載間情付咏歌老去賀公吳語慣病來
莊舄越吟多滄江秋晚衣裁荔空谷天寒屋補蘿不覺詩成
真作識篇篇都是憶巖阿

韓蘄王墓

麒麟高塚占雲墟異姓眞王百戰餘勲業未來先臥虎英雄
老去亦騎驢葬應秘器蒙分賜績尙豐碑表特書宋待功臣
原不薄棲霞何事獨誅鋤

述庵從軍滇蜀閱七八年凱旋後超擢廷尉茲乞假

歸葬事畢還 朝道經毘陵停舟話舊賦贈

烏撒匆匆握別遙何期相晤在江郊十年京國詩文契萬里
邊塵患難交良履喜公遷棘寺息機笑我老書巢停舟不盡
離懷訴坐到斜陽挂樹梢

滇疆蜀徼佐軍籌奏凱歸來進秩優蟻蝨久知生介冑貂蟬

真見出兜鍪

公蒙恩賜孔雀翎

然黃

詔特榮先寵飛白書應起

賜

樓

新舊

卻憶吾家老元叔與公會共赴星郵

陸隨絳灌本殊科誰似先生兩不磨文苑才偏臨陣勇戰場
歸又著書多放翁詩滿成都市劉秩身當曳落河如此儒冠
纔不負眼看青史入編摩

南天門

陝東青冥上巖巖構沈寥天惟通一線星可摘三霄路鑿鉗
龍苦峰排劔戟驕控臨戎索大拱衛

帝京遙狹僅容單

騎驅難並兩鑣地形愁倒馬風力稱盤雕險叶泥封谷危如
棧架橋時清無戍壘巘迴有僧寮捲幔霏空翠炊厨拾斷樵
鐘魚聞上界沆瀣吸中宵雲族漫爲海山支湧似潮平生登
覽興我欲馭輪蹄

陸錫熊

字健男號耳山上海人乾隆二十六年進士二十七年

召試 賜內閣中書官至左副都御史有篁邨詩集

蒲褐山房詩話耳山博聞強記資稟絕人由中書入直軍機初與予奉勅編通鑑輯覽頃之命繼承樂大典復求天下遺書開四庫館以舊萃之校對數百人勝錄至千餘人歷十年始成而君與今大宗伯紀書曉嵐司其總衍進一書仍劉向會筆例作提要冠諸前首上閱而輒善之特旨山刑部郎中授翰林侍講文字受知駸駸用典試者三督學政者一後因奉天所儲四庫館書中多脫落外誤奏請自往覆校比至而病歿時論無不痛惜平日進御之作工而不瀆婉而能切同人推爲莫及至詩文隨手散佚歿後搜篋中得數百首皆應酬之作非其稱意者

橫寒灘

嗟哉橫塞灘茲險何山奠山青削兩崖天白露一線衆壑競
奔流斜曳萬丈練剡土濯山根亂石纍纍見水洲列四五沙
卵成高堰上生芷與蘅其色頗葱蒨清流歧數支觸石珠交
濺縈迴轉似輪激駛直如箭崩波恐一決百丈從後牽木篙
拄兩肩跳躍左右踐迂久始過灘川顧猶驚顫坦率情所趨
行險理非便因之悟至道長嘯得所遣

舟宿白蓮涇得吳大充之見懷作卽用韻却寄

停橈向空江暝烟散叢薄三更下風露天宇轉寥廓故人枉
書札三復停雲作軟娛罷琴酌良會久寂寞伏枕更攬衣太
息感今昨緘意託修鱗寒潮正東落

青瑤池館夜集分賦得石字

涼月出空際生流光滿溪白開軒引蘭酌幽襟契泉石禽翻竹

風疎人語桐露滴不有池上吟誰爲永今夕

鉛山道中追悼蔣心餘前輩作

豫章有名材千尋挺巖谷森然到合抱徑寸受氣足咸韶發
清奏冠佩好奇服鵷鸞滿中臺豪逸天使獨靈心苦雕鏤健
筆謝邊幅淒涼桓伊箏諧笑東方肉微言參聖諦餘子但碌
碌遠近正始音盡洗皇荊山寧徒壓西江詩派繼前躅文端
今歐陽一見快利日承明須著作蔡火照天祿司空東閣士
彭蔣榮雙玉故人已龍驤一老猶驥伏空呼野才子去伴古
尊宿晚憐爲貧出又捧侏儒粟方乘桓氏驄竟集賈生鵬我
昔游諸公杯盤互追逐交游散風絮歲月轉車轂當時二三
子強半在鬼錄都亭憶分攜冷月挂疎木雖言苦風痺尙喜
按絲竹心知見無幾慰語痛在腹終然厄龍蛇聞耗淚盈掬

人間讀書種黃壤，蘊籙麗定知三尺墳。夜有紅光燭，偶來通德鄉。山川覽精淑，卿爲投文弔。未遂隻雞哭，鳳毛付超宗。食子宜在穀，他年訪斜川。遺編許重讀。

鄱陽湖

昔讀禹貢書，今泛彭蠡澤。連山盡東趨，大地忽中坼。岷流束襟喉，楚派會圭壁。微波滄海青，破碎州嶼黑。網航縮諸州，津堰通十驛。魚龍閑自舞，天水了不隔。當年戰鄱陽，陣火照山赤。檣顛灰燼滅，銘碣丹青泐。雄圖久銷沉，遺廟空血食。惟餘浩渺觀，一洗芥蒂臆。我來水歸壑，又苦寒飈射。千尋蹴巨浪，七日帶行客。崩崖困掀簸，永夜愁偈側。遙瞻落星戍，悵望柴桑宅。出險會有時，扁舟竟安適。夢醒聞好語，旗尾西北擲。

彭澤縣

大江會九派驚濤浩無邊潯陽三舍餘五日勞洄沿層崖出
危磴孤城枕江隅蒹葭辨洲樹稍稍開墟烟卽景感徂歲望
古懷昔賢水勢樅陽西山光義熙前我因一囊粟乘此萬里
船所求亮錙銖忍受旁人憐造物養不材飲啄良有緣但當
咏時運便可歸園田三復乞食詩操瓢亦欣然

桐城江上有懷姚姬傳禮部

江介滯寒景扁舟汎夕陰龍眠望巒翠不覺暝烟沉眷言同
懷子結廬臥高岑焚香散貝帙潔膳娛萱襟東華一爲別種
松已成林昔游曠嘉覲今塗阻遐尋相思無日夜浩與江流
深蘭省夙相要歲寒亮此心綢繆十年舊契濶二毛侵

三笑堂

開門見南山松花墮涼雪言尋虎溪路一逕趨遂折深堂寂

湖海詩傳卷二十四

三

無人緩帶滌煩熱幽襟契蓮社吾愛陶靖節意行無町畦曠
致縛禪悅當年三客蹤草長綦音絕丹青尙遺姿巾服儼孤
潔描摹亦駢拇色障非大徹法師具天眼萬象不生滅虛空
本無槁那事強分別一笑撒手迴妙諦不可說請聽橋下水
清似廣長舌

分賦得有竹莊送紀心齋先生南歸

石田老布衣名著高士錄當年琬遞占却薦適初服結廬相
城里人境闢巖谷募疏手寫成乞種萬竿竹生絹揭烟霞質
屢墮下補至今其修髯飄飄映餘綠如何塵外蹤乃受畫壁
辱無名非官府翫以獨行躡先生早通籍甘載寄朝祿出處
跡雖岐風流起堪續昨宵西窗夢飛落橫塘曲上書乞身歸
長老此卜筮遙知琅玕林中買數間屋閉門聽秋風蕭森寫

寒玉通泉遠分笕，劖笋晚常肉迢迢。定長年先後纏清福，應
嗤都南濠。但點讀書燭。

題馮星實夢蘇草堂圖

大峨仙人天與遊，夢蘇居士神相酬。鬚眉悅見七百載，鳴止
正待三千秋。平生尚友香一瓣，竹屋青燈歲方晏。鄭箋屹屹
手自抄，莊蝶蘧蘧目非幻。下峽以還渡海前，嬉笑怒罵皆詩
篇。搜來得野添公案，揀盡塵沙得定詮。心精感通如面告，笠
屐翩然風肅肅。尋春豈訪符秀才，聽雨還偕老同叔。披帷一
笑顏色親，掉頭不住機鋒真。文章幸脫元祐禁，襟袖應貯眉
山春。蓬萊遊戲歸何處，壽骨長身起餘慕。隨風咳唾落尚新，
湧地源泉默成悟。巧意丹青想入微，月梧桐篠晚依稀。豪情
湖海呼能出，真面廬山認儼非。開府生辰詩滿紙，學士高齋

湖海詩傳卷二十四

古

晉蘇米君家證夢復草堂去酌寒泉薦芳芷

蔣丈奕蘭招陪沈歸愚宗伯彭芝庭司馬及諸同學

集繡谷送春

荼蘼風起晴鳩啼曲巷過雨生春泥紅橋四百芳草暮落絮
飛遍昌亭西樓頭花枝樓下雪流光匆匆生成別名園上日
羅衆賓共惜江南好時節江南春漲青接天十日正泛沙棠
船白蕉之衫高齒屐乘興來醉櫻桃筵竹梧交陰敞瑤席黃
金巨羅持勸客良辰勝事本難期復見風流照泉石簾光泛
綠池水平碧蘿裊裊含烟清石牀洗盞更盤礴欲落不落斜
陽明東風無情鬢成素多謝流鶯喚人住倒載狂歌歸去來
奈何酒醒春何處

遂初園歌呈拙莽吳丈

先生家本天都峯丹梯鐵鎖攀芙蓉白雲如海蕩胸臆手弄
明月驂茅龍十年夢落滄江曲却向巖東縛茅屋自有前期
侶向禽何妨混迹同樵牧桃花滿溪溪水香柴門晝掩山蒼
蒼園林結構足佳趣枳籬百曲沿滄浪葛巾方袍自來往芳
逕無人碧苔長急雨微生竹院涼暗泉細落松根響紅橋窈
窕碧玉流興酣散髮乘扁舟仙源路轉豁明鏡倒影忽浸花
間樓先生平生此休息林下清風滿泉石短鋪常攜刷藥童
方牀頻約圍碁客西園昨日花亂開置酒邀我臨高臺華林
魚鳥趣方永下若尊壘晚更催相看綠鬢顏如昨不用巾箱
圖五岳結習難忘蠟屐情息機真羨披裘樂別有江湖憔悴
人年年席帽苦風塵攜家欲就橫塘曲射鵬撈蝦作比鄰

題晉陽申五兆定山樓聽雪圖卽送其省覲杭州

冥冥寒色低壓檐千巖萬壑開銀匳天公昨夜勞玉戲樵徑
絕跡山埋尖孤茅天外誰所縛玉虛樓閣清光添幽人高枕
聽蕭瑟明窗透影疑冰蟾橫空曉起發奇賞四面盡拓蘆花
簾朔風亂吹柳絮落冬序瞥見繁霜粘乍如春蠶臥竹箔食
葉上下飢難厭又如鐵騎驟風雨銜枚將令森兵鈴危簷溜
折栖鳥起凍澗飄入遊魚噉長松振鬣遠撐突穆掌亂戛躍
龍髯空山無人萬籟寂聞根不斷神彌恬却思踏雪控金勒
霹靂應手弓初拈豪情爭如逸致好登眺不畏寒威嚴段橋
殘雪景尤絕山水勝事君能兼驅歌唱罷送征棹短衣空愧
塵容黔

桐廬

信美桐廬縣初冬似暮秋人家烏桕樹客子木綿裘樂歲高

低廩通川上下舟宵來試山雪白映老夫頭

夜雨簡奕蘭

讀罷離騷意惘然更堪暝色下江天小牀怯雨留燈坐薄絮
欺寒壓夢眠浮世因緣雙履外少年心事一杯前張郎亦是
秋風客擬向鱸莊問釣船

瑞洪聞雁

番陽急雪夜淒淒幾隊哀音落枕齊夢老慣依邊月迴羣孤
猶怕嶺雲迷江湖浩蕩驚新侶秔稻艱難憶故棲欲寄封君
轉惆悵流黃機畔翠顰低

陪瑤華主人遊盤山千相寺分韻得亭字二十韻

叠磴趨中谷連山拱翠屏客來扶棧度騎轉隔橋停石壓蹲
蛟勢松盤舞鶴形繁花遲潑雨絕洲想奔霆蟻道方緣埵獅

林忽建瓴雙竿承寶刹兩扇豁金釘雲氣晴浮瓦泉音盡入
鈴香臺禽欲下講座虎曾聽海色連平楚天光動落星契真
名開窰窰洗鉢貯清冷田俯僧衣碧峰交佛髻青何人崇象
設多事盤岩局相好闢俱足名言理亦冥唐燈懸古戶遼碣
剔殘銘興發還紆策幽尋更得亭拈毫逢邂逅隱几接芳馨
遊許陪飛蓋才真謝叩筵流連傳茗椀指點拓窗櫺歸路頓
迴顧長吟到薄暝題詩崔顥在勝地媿初經

雨中作

春烟漠漠水初生隔院遙傳百舌聲最是客愁消未得杏花
寒雨過清明

蓉江道中懷人絕句

光祿文章歷輩流瑯琊宗派鳳鱗洲
朝朝日日餐蛾綠鬢影

書聲共一樓 王光祿鳴盛

錢郎瘦比東陽沈地近蓬萊會列仙曾到和林訪遺事斷碑

零落兔兒年 錢詩讀大野

定香居士老詩禪卜宅仍隣古寺前常說夜遊同謝監相陰

如藻石幢邊 王舍人初時和謝在寄劍前謝編修塘所居聽鐘山房皆在

鄭郎昨上蓮華頂濯髮親經玉女盆手摘明星望鄉國黃河

如線走中原 鄭詩和馮城

韓莊開口望微山湖

眉痕淡掃夕陽邊獨倚危橋望楚天引起江湖十年夢亂帆
如葉水如烟

湖海詩傳卷二十四

湖海詩傳卷二十四

湖海詩傳卷二十五

青浦王 利德甫附

曹仁虎

字來殷號習庵嘉定人乾隆二十二年 召試 賜內閣中書二十六年成進士官至侍講學士有詠興秦中

刻燭炙硯諸集

蒲南山房詩話來殷以聲華名望為都下所推然端靜自守怡愉陶陶不逐朝貴
舊約之門其詩初宗四傑七言長篇麗華麗壯而浸淫于杜韓蘇陸下逮元好
問高啟何景明陳子龍及 本朝王士禎朱葵尊諸公橫空排羣才力富而七律
尤高華工整獨出短時雄渾之語則有雙峽天低連雲樹五丁地險接維州校尉
璽看紅帳酋材官齊號黑雲都知細燕曾殊相信征人空見老班超紫霧千盤開
漢獨雲霞四氣拱秦封西京專閩撫海東漢登壇數仗波初添蜀郡三城戍更
遣秦川四道兵執法烏臺泰御史談經僻帳漢儒林情願之語則有梨花小院重
重幽燕子高樓面同風此情聲聞黃柳龍麟猶影無絲楊村東風樹樹生紅豆南
浦迢迢送綠波明應曲几頭掛地小雪疎梅詠絮天初曉成雷聲自鳥關看避雨
使元駒瀟瀟道水聲疎雨歇江天帆影夕陽多客路正當歸雁後鄉心多在落花初
白蘋千點鴛初散紅雨一簾鶯亂啼時詩道維而多端或倣白居易或倣黃庭堅
楊萬里或至微袁宏道信手塗抹率以流易俳巧為能如郭舍人之俳諧鄭五之

歌後黃茅白草彌望皆是及來張詩出乃奏金石以破蟋蟀之鳴然其果未行世
人知之者尙少 定例各 官樓門對聯撰自翰林次由工部每至封印後工部
堂官率屬數謹懸挂新春開印後收而謹藏之歲以爲常其制得者隨時更換乾
隆癸未甲申間多係來張恭撰今其集中所存如 皇極左門云九重數範鎮
簞旻葵蔭蓋共錫萬國會歸光戴斗蕩平軌路同遵右門云洛籌編紀慶洪運象
協居中建五乾笑祥符徵順敘功俾則大南三欲麟門云那騁寶券晉雲間推策
純常集故慶衍瑞霽歲祥屋闔珍鳥奕流祝歌禧左門云重霄日月燭升恒律迎
祥開久照入表山川帶樂壽昌期福集新韶右門云化咸熙鰥鰥風從治北春
夏育祥遊燄昌昭德校符呈乾祐坤維錫慶門云億萬齡錫錫美延洪保定自天孔
固三千界重熙海洽祥和與物同春左門云三靈景象駐恒春如物照迎戰廟六
華光華徵復旦彤宸茂集繁祉右門云珠龕曷離召麻微福界垣際太乙玉闕年
華彰瑞應昌辰化薄由庚彰並門云川岳獻珍祥烟嫺闔瑞日星昭景運亂星
華玉珥奏誠和氣調九寓瑞福廣迎衡正三階恭肅房云得氣先雲長麗月星
祥翠筵並迎風五色雲英滋秀草千秋露寶熱蟠桃湛露凝甘盈衍港光風南照
應瑤簫液酌衡尊同分景音調聯管編彈神例此數百言置之盛唐詩
內皆絕妙好詞也昇平故事自古罕傳兄爲詞林雅式改摘錄於此

晚過尚湖

濛濛濕雲昏冉冉涼月吐扁舟向湖波前涂渺何處疎鐘來
遠山野火出深樹賓鴻下葦葭颯沓秋氣暮沙寒不見人采
僊烟中去

熱河懷人詩五首

王公直 禁廬歲歲侍一獼獠自參滇蜀軍九載歷蠻徼豈

惟策勲奇詩文助雄界昨赴豫章城派振西江調

德甫

鴛湖有一老文苑擅三絕早歲客平津關塞陪車轍閒中談

往事酒酣並耳熱余亦慟西州流光感電瞥

先生客蔣文恪公所每以隨筆同至塞外余

於已卯歲官中書亦陪文恪公至未蘭嗣後文格卽不復見 雖矣 據石

河間著作才與志資編纂初登詞苑班卽備 屬車選

庶常扈從熱河

始於先生覽錢竹汀以方劍輔熱河志也踵事逮末儒依類訂成卷餘義在引伸匪曰誇

證辨

余承先生後增訂熱河志體例一遵原書惟辨老河之非卽白狼水潢河之非卽饒柔木中京長興縣卽在太定府城內諸條爲前書所未及 曉嵐

錢君桑梓人研席共卽歲踵武向承明依舊魚同隊當君遊

塞時惜未聯征轡想像訪遺碑手剔枯苔翳

竹打

學士隨 蹕來賢宮值新建煌煌舍菜儀几筵侍 親盟文

聲翔塞垣典故具詞館合有雅頌音矢詩逾樂泮

白華

馬伏波銅鼓歌和夢文子夫子

我聞軒轅始作楓鼓曲靈夔鸞鳥張軍容夏足殷楹遞更變
用供祭祀兼兵戎周禮鼓人掌六鼓和以鐸錫鐸鐘鐘路鼓
提晉辨等級要貴立動昭豐功漢初樓車襲更異軍門鼓吹
傳雄風離牛坎馬各有用茲獨奚取銅山銅相傳得自漢馬
援駱越遺器來南中想當交趾初叛日蜂屯蟻聚揚軍鋒朱
鳶駱將恃雄勇寇畧嶺外窺城墉璽書朝下伏波印副川段
志兼劉隆平生慷慨負大志據鞍顧盼鳴雕弓徑從滄海趨
浪泊樓船百道麾艤艫斷岬礮礮控萬疊幽箐杳靄迷千重
飛鳶作隊下墮水黑雲四塞天濛濛金溪穴深深不測親率
戰士當其衝九真遺賊悉蕩滌日南合浦風烟通申明漢律

示約束紛紛向化輸蠻貊分茅嶺外定疆界插天銅柱標龍
嵒轅門畫啟獻方物負戴絡繹來獐獐大圍兩肘高四尺非
刁非斗非金鏞昔時廣州始鑄此良金上齊歸陶鎔千鈞重
器一朝就尅晨置酒陳飧饗中庭高懸貫四耳曉暉下射光
瞳矐溪獐峒虜各奔赴項髻斜插形鬚髥金銀釵股競扣擊
半醉徐起歌隴吟花腔廬沙相間作用以報饗祀祝融一從
遠輸入漢室捆載萬里馳花驄歸來擊牛勞將卒鑄爲馬式
煩良工儀帛諸家備骨相黃雖赤驥高纏驥工成獻自宣德
殿封侯裂土相始終何爲此鼓獨未毀鬼神呵護留炎封蠶
烟朝迷色閃閃瘴雨夜洗陰隲雪驚灘亂石露光怪白日倒
貫長江虹神物沉埋閼千載何時却出荆榛叢穠包席裹致
吳下纓文隱隱苔花濃面平胥束下無底碎乳四散排玲瓏

蝸涎剝蝕備諸狀瓜皮沉綠丹砂紅惜無龍螺刻猶篆豈假
襲餐圖姦兇蟾蜍大小拱左右識凹欹凸中虛虛雲霄有象
間絡索班班古色盈簾櫳羊鼎虎焚失貴重珠盤玉敦羞尊
崇硯山堂中遠塵俗插架文史羅三冬巍然此鼓列座右摩
挲拂拭光熊熊革匱十重巾十襲聲價不數珪璋琮我來入
門望寶氣遙見突兀虛廊東桐魚作桴一奮袖增吹鞞鞞驚
羣聲疾雷殷天走霹靂陰霧覆地趨靈隱連着輕輿互轂轅
快劍短戟爭撞拊鼓聲震堂堂欲勦似有萬騎奔峒嶢三撾
忽停衆響寂元天仰視高穹窿狂歌擊節自起舞令我懷古
心忡忡蠻夷叛服本無定控御有道歸君公自從漢家事遠
略喪師失邑無終窮先零種落居內地遂使邊境交矛鏃匈奴
奴二庭及西域出沒晝夜頻相攻懸兵追遞出徼外飛芻輓

粟勞輸供賴有名將如援葦相與戮力垂勲庸惜哉五溪復
猖獗壺頭病困何匆匆牀前豈子起蜚語朝寧誰復知孤忠
文犀薏苡事莫辨矯首耿耿悲填胸男兒要當志邊野裴尸
馬革真豪雄卽今西陲諸部勁秋深牧馬遙傳烽登壇授鉞
遣將帥旌旗千萬摩蒼穹陣圖堂堂控蛇鳥營壘纍纍連嶺
蟠金笳鐵角數聲動士如猛虎駒如龍遙聞疆場新戰捷露
布已達明光宮便當捲甲趨絕漠一鼓直掃龍庭空區殫域
滅始返旆勒銘夜削青芙蓉叩關款塞集君長黃艾烏弋咸
來同軍中鞀鼓靜不震五金銷盡歸春農辟雍廣業振文教
靈囂奏處聲逢逢千秋青史紀偉績夫豈不如龔鐸翁

天台山歌送沈歸愚夫子

天台山高峙吳越層峰隱現開靈闕鳥道斜連谷口雲龍湫

聯微蠟前月赤城拔起何龍提紫霞明滅金芙蓉靈氣蟠結
雄南東上帝賜與神僊宮陰厓遠通一線日絕壑橫卧千年
松盤盤鐵鎖不到頂但見飛梁峭壁縹緲懸空中先生本是
烟霞客解組歸來樂泉石選勝還升陶令輿探奇更蠟謝公
屐金箱常貯真形圖興酣奮袂尋僊都螺溪幽溪路窈窕崑
嶺察嶺峯模糊身倚千尋梯手持九節杖捫蘿直蹠層霄上
白鳳青鸞條有無朱幡絳節時來往微茫滄海水一杯南瞻
雁宕青崔嵬石梁中斷雙峴開白虹倒掛奔晴雷珠簾千層
滙玉鏡石筍萬仞懸瓊臺松門之西敞靈境麓切兩袖天風浮
絕磴斷嶺哀鳥左右啼瑤草淒淒滿幽徑白雲自散春皞青
氣騰隱隱乘風行仙源一別三千齡碧桃花落寒泉清層樓
十二開瑤京湖中玉女相逢迎金漿石髓遞相勸浩歌一曲

凌蓬瀛烟巒如此堪棲託笑我天涯空寂寞採藥僊源路不
迷十年忍負山中約翠壁丹梯西望遙何由相伴陟岑巖惟
餘華頂三更夢遠逐鱗塘一夜潮

消寒第三集遇雪用東坡聚星堂雪詩韻

吾生量怯三蕉葉不飲還愁負新雪酒人綰繹隔巷來把臂
狂歌正歡絕凍輝緣隙紙隱明幽響墮階冰柱折那知漏鼓
寒易沉但覺鱸灰澹將滅此時興酣一起舞窄地重簾手自
掣空庭風捲白皚皚銀海光搖亂醉顚枯腸熱後欲森芒妙
論參來快鋸屑悄悄促坐戀今宵清景明朝去如瞥掃庭任
招僮僕喚占瑞宜有老農說歸來支枕續斷吟翠被生稜冷
於鐵

曉起雪未止復用前韻東同人

孤鐙吹火煨濕葉老屋沉沉閉深雪同雲侵曉未放晴佳客
不來車轍絕階前瘦石封漸平壁上虛絃凍將折長天一日
鏡光遙幾點浮烟自起滅喜無野馬近簾飛時有飢禽爭樹
掣玉妃姿態本天成不逐濃妝闌紅纈迴颺忽作打牕聲寂
坐閒齋聽騷屑只愁皓潔難久留優鉢空花付一瞥冰甌淪
茗太酸寒風味莫與麤人說聳肩忍凍發長吟隔戶丁冬響
檐鐵

雪霽後同人各以聚星堂韻詩見示疊原韻奉酬
遙天遊駿開雲葉屋角初暘爛晴雪長鬚剝啄遞詩筒維誦
臨風各工絕巷南巷北盈尺泥欲往還愁展齒折喜將妙句
當深談一段清緣難泯滅柔情不學眠蠶僵健筆偏驚老鳳
掣忍寒高詠亦是豪那羨舞茵圍繡纈京華暮節臘鼓喧餽

歲往來事瑣屑吾儕作達須及時激電年華一轉瞥拍肩命
盞歡可尋叉手圍鱸話重說吟成火急遞飛箋要乞靈丹與
點鐵

再用前韻催同人和作

軟塵海裏萍聚葉各有雅懷門冰雪崢嶸歲晏課新詩矮紙
書成倍清絕按節存歌銅鉢敲當場醉舞綸巾折消寒排日
泥傳盃題壁淋漓迹未滅扶輪巨手推數公座上驅珠讓先
掣伊余雕刻慚小才譬若爲花剪碎嶺陽春高唱發聲遲下
和巴音知不屑由來清景難重摹樂事賞心總成瞥閉門定
想苦吟勞開徑還期情話說偶然摩壘輕致師莫笑空拳無
尺鐵

同人各以疊韻詩至仍用原韻賦答

新詩工似雕楮葉合有幽蘭儼白雪連朝絡繹送蠻牋硬語
盤空何警絕其知僵卧吟倍豪那怕苦寒骨欲折揖公賓從
誇汝南文酒風流未蹶滅友朋勝集古今同依舊詩壇旌旆
輦傾來寶篋皆琳瑯織就雲機盡綺縠撫髭擁鼻足清歡錦
帳羊羔真猥屑苦岑吳味托心知石火光陰隨眼瞥松爐灰
燼柏盞香餗臘咬春有成說相期倡和過殘年聲應真同方
響鐵

讀同人聚星堂韻詩各有聚散之感仍疊原韻

冷吟相和蟬抱葉冷宦相尋鴻印雪長安聚首多素交文字
招邀真勝絕胸中塊壘易消腕底鋒芒運難折新篇落紙
盡珠璣時向奚囊未磨滅深爐急盞送殘年赴壑驚蛇不可
掣歲寒其矢青松心羞與凡花鬥春纈卽今幾輩各分攜三

徑人空更酸肩舊游裙屐漸飄零游水東流日西瞥題襟集
在期互編剪燭緣慳忍重說中年哀樂慣傷情狂歌擊碎如
意錢

消寒第四集復遇雪仍用前韻

空中翦水成花葉送臘連番飛快雪天公有意助清娛玉戲
縱橫最奇絕廣庭縛帚掃復盈老樹連巢壓將折吾儕文酒
有風緣肯學灰心斷生滅衝寒踏凍疲馬嘶薄暮打門亂雅
挈相逢似跨白霓來要借芳醪生面頰閒翻松炭添篆烟自
揀茗芽煮冰屑夜深不厭捲簾看作態迴風尙飄瞥詩情詎
待驢背尋賦筆須從兔園說漏沉燈炮客告歸冷逼茸裘如
擐鐵

對雪復用前韻柬同人

空林一夜飄瓊葉門巷蕭然封凍雪滿牕虛白映殘書獨撚
冰髭伴幽絕日光穿瓦相澄鮮風勢壓籬半倒折焚香捲幔
望轉清著屐下階痕不滅眼前萬族各有營鷺鳩低搶鷹高
掣浮盃越酒絲生鱗出簪唐花紅吐纈擁爐兀坐是孤懽那
遣閒愁感羈屑食前五鼎車八騶富貴徒供眼斜睨玉壺世
界隔塵喧惜少吟朋揮塵說枯腸搜句耽寂寥寒硯頻呵堅
似鐵

雪後得王惺園閣學書卽用前韻却寄

去年煖寒傾竹葉夜閣招邀賞初雪當筵八詠創新題

去歲與惺園同

賦雪中刻燭爭傳句超絕苔牋半幅手自書腕力生稜斂股折
越燕雨地忽分襟妙蹟弄藏未漫滅蕭齋清景故依然獨惜
流光如電掣君今擁傳握文衡老眼寧愁花眩纈情懷映月

湛冰壺咳唾隨風霏玉屑吳山雲樹浙江潮天末空勞遠望
瞥冷吟閒醉定誰同離緒茫茫不可說梅花想像賦新成漫
道廣平心似鐵

章江渡頭船一葉秋水涵天浪如雪與君分手向江邊

今伏儲
樞圖興

江西鄱陽湖即觀學中以
九月二十一日別於南昌城外

祖帳驪歌最淒絕燕臺南望路迢遙惜

別經時心欲折朝來貽我雙魚函懷袖摩挲字不滅十年仙
籍舊同登瀛海靈輦讓先掣宵歸院燭照金蓮曉起宮袍擁
紫纈西牕暇日互招尋四座從容聽談屑竹林把臂憶風流
良會匆匆眼空瞥相思命駕定何因昔欵還從書素說莫嫌
蹤跡易睽離結契終應比磁鉄

泊觀音門寄王德甫錢曉徵

風雨青溪渡曾同抱被眠寒江今夜月獨上白門船樹色三

山遠潮聲九派連
酒闌一長嘯
哀雁落雲邊

秋夜

涼月照高柳
草堂夜氣分
斷鴻空際度
清磬靜中聞
葉落全疑雨
池荒半是雲
彈琴不能寐
蕭瑟感離羣

寒山

孤磬出林際
空山獨到時
鳥聲新雨霽
松影夕陽遲
落葉留青嶂
寒泉響碧池
何當繼高躅
棲隱向茅茨

楓橋舟次

楓落東塘路
星河澹碧天
殘鐘烟際寺
遠火月中船
古驛啼烏後
寒山斷雁邊
忽聞歌水調
蕭瑟不成眠

卞忠貞墓

內史徵兵急
陶公赴救遲
江山多難日
甲冑致身時
碧血魂

猶怨青溪事可悲
冶城松柏路風雨捲靈旗
大義推溫嶠清言笑阮孚
重泉猶握爪八口共捐軀
斷碣荒苔蝕靈祠落日孤
石城忠孝並千載有司徒

懷王德甫錢曉徵

青溪歸櫂悵離羣
禪榻茶烟夜漏分
白露爲霜人乍去
碧天如水雁初聞
三秋客思憐王粲
十字詩名數仲文
準擬蘇臺重話雨
支筇踏遍洞庭雲

渡江

澄江如練客舟輕
遙指金陵一日程
楚水亂帆時近遠
吳山殘雪半陰晴
濛濛浦樹烟中出
點點沙禽望裏明
無限南朝興廢感
寒潮空到石頭城

妙嚴公主拜輓

早謝椒塗習咀音琉璃地上足跌深生塵不學凌波步入石

偏符面壁心合向花龕供拂拭未隨蘚砌付消沉九蓮

明孝定太后會

取入大內復送還寺

異代同禪契長護芳蹤到梵林

登江使院答陸青來即次原韻

小邑猶傳楚相居空江半壁控南徐論交喜稅塵中駕譚藝
閒繡篋裏書冰泮曲池芳草長雪晴官閣早梅疎最憐三十
三峯好日日開簾對碧虛

梁溪道中

芙蓉湖上逆行舟短柳依依滿渡頭綠水長隄遊客路青旗
小市酒家樓雨中樹影參差出烟際山光淺淡浮回首故園
寒食近天涯日暮引離愁

題王岡齡新居次韻

一徑初開仲蔚居。雲林清興更誰如。風潭好聽滄浪曲。月几時披笠澤書。戶繞綠籬添穉竹。坪滋青甲摘新蔬。詩禪盡偈風流在。攜屐頻過野外廬。

韓莊

碧沙萬頃遠烟微。洲渚蕭條釣戶稀。日出神鴉迎濯舞。風高孤雁掠帆飛。水流王氣連豐沛。山擁晴光入海沂。搖落不堪逢暮節。高隄官柳漫依依。

西苑春望用王德甫吳冲之韻

鴉背官雲澹不流。蓬山佳氣曉來游。沙邊暗渚通魚鱗。樹裏明霞隱鳳樓。尺五天低分勝地。重三節過趁芳遊。依稀憶得江南景。幾陣香綿撲渡頭。

千條柳色亞紅闌。步履探春春未殘。曲沼水平三尺漲。芳隄

花殿一分寒風前競載青絲榼葉底徐調碧玉鞍不厭聞來
頻挂頰西山濃翠在林端

韋曲修禊之會以風雨不果賦詩二首志悵并邀諸
公同和

上除風景待招尋聯轡宜過曉郭陰聽雨聲從殘夢覺惜花
情比憶家深浮盃在消處高會隱几閒窻付冷吟漲遍華嚴
川畔水握蘭何處濯芳襟

油雲隔斷曙霞紅尺五天邊話未通芳草自遮游屐路落花
空惹鬢絲風仙源幾曲虛無裏春信連番晚晚中贏得履綦
多勝侶嘉辰一樣掌巖同

恭紀

皇上肇建辟雍釋奠講學禮成一百二十

韻

軒陛垂衣日 虞廷繩墨時 道原符一揆 治正洽重熙 保合

洪鈞化從容 上聖姿百王 兼損益一統集 君師巍

煥超前代漸摩訶 遠陞龍圖應出水 鳳瑞夙聞岐 載攷巽官

制言崇國學 儀名先徵米 稟典特備蒼姬育 德歸宣教明倫

溯秉葵士風 膠序起王迹 鎬豐追其識 敷文廣寧容 舍業嬉

夏弦遊藝圃 春誦下書帷 咸僕齊翹秀 菁莪並展猗 奏公於

樂詠翼子厥 謀詒俊造升 由此明和義 在斯昔曾傳 雅化今

幸值 昌期府事歌 惟敘二虞慶 允釐 握符參 昊緯

布德偏黔黎 景緒恢前烈 康功救百司 綏猷臻秩秩 建

極倍孜孜 闔渥埴絃浹 威稜徼塞馳 巡方臨澤國

問俗到農圃 軌順宗河曲 瀾恬巨澥湄 拓疆通版索 藏富裕

萌茨 祕閣全書弄 奎章御集摘 天文昭倬彼 聖

湖海詩傳卷二十五

十一

德懋祇台妙協從心矩深籌復古規成均洵首善起化有深
神四學稽周舊三廡陋漢遺明堂稱莫辨太室號非宜左右
分形異方圓聚議滋鴻都書漫集虎觀典空禕縱有浮屠飾
何關大道存循名期化導責實愧平治自立燕都監猶鼎鑒
水池 崇儒逢 聖化 典學企 文思所貴功能創寧
虞制久虧深泉盈自足修綆汲非遲 道統光虞夏 心
源接吳漢識惟歸 獨斷工不待疇咨爰 詔司空建仍
頌內府賞庀材羅白石鳩役給朱提巧引璇源派寬涵學海
漪旋邱流回繞象島水中坻 崇殿巋然立平臺屹不歆虹
梁排蝟蟻爲尤復琉璃金碧輝瓊牖丹青麗赫緇續紛凝秀
藻押機韻芳芝四面齊開闔千尋自亘槐清嚴森 黼展洞
庭敞翠巖映碧瀾埃壘廻環抱沙瀾文淵來有本 聖澤

滙無涯似砥分堦城連雲接棟橈經營占定室揆度集殿極
教周喻梁武從公監魯僖落成昭 御記維誦仰 宸詞制
度寧沿襲淵源混合離 折中歸正大取象協崇卑赫赫鐫
豐碣煌煌煥巨碑勤倦垂 至訓締造溯 丕基典本殊羞
耆儀休混養耆父兄難比事更老足傳疑未許鋪張甚終餘
傳會囑說袂千載謬 天縱 一人知歲應旃蒙籥祥開
大衍蓍 億齡增 帝袞 五世茂天支恰值曾元會彌
欣 福殷綏綿綿榮翠颺翼翼衍金枝 鳳詔元辰沛 鴻
恩海海彌官僚頒 誥綽岳濱薦香匱啟謚還繩 武
瞻觀廣 錫禧 彤宮羅綺席鉅列雁眉嬰鑲同扶杖聯
翩心捧卮華筵情衍衍 壽宇樂怡怡淑景陽春滿韶光仲
日推瀛洲萌細草 太液渙輕澌報社先翔鳳遷喬乍鳴鸞

濃脂旣暈芳淺黛柳抽絲翠律重迎節青旛漸暖颺上丁行
秩祀先甲致齋祇掌故修宗伯章程飭奉祠習容何肅肅觀
禮到那那鵠立聯簪綬是趨接履綦告充陳祖桓蠲潔列盃
盞省視周卿尹供張屏隸斯玉鸞星鳳駕銀箭夜何其曉
漏迺留點朝陽未展曦鈎陳嚴鹵簿禁鑰啟葳蕤屆候
洪鐘動凌晨綵仗移明燈方引隊曙色欲開熹子佩還馳
道儒冠鼓廣達祥烟籠瑤蓋瑞雪導華轡陟降容皆
中明輓志自昔黃流盈玉瓚白粲阜明粢奏管音諧鳳鳴球
典命夔精誠瞻秉哲博碩助陳犧禮樂看隆備神人其宴
饗馨香升普淖儀物會萃麗講席當陽敞琅函乙覽披
緋黹彰聖極行健闡乾維穆穆倫常具昭昭曷度垂
功惟存敬止道自契誠之徵鼓來賡濟振衣效肅愷敷言

宣 御案髦俊跽 彤墀盡聳愚蒙聽難攄淺見窺牖民真
孔易覺物本無私 翠蹕初旋軫珠璣尙綴旗喜看花六出
先卜麥雙歧 命以重申布 恩從百爾施匪頒均 示惠
式晏並 宣慈解額加增廣官聯錄等差尙方陳綵幣儀部
具珍醕慶霽借驤首醲膏盡浹肌雍容三代禮保定九如詩
自顧材齊櫟惟知恫矢葵觀 光陪近侍拜獻媿先資忝與
分茶 賜榮叨珥筆隨延洪誠樂只 盛典足昭茲紀嫩音
徵雅敷疇福備賓賡颺逢 景會抃手頌 春祺

恭頌

皇上東巡

盛京上

陵禮成百韻

并序
代作

乾隆四十三年歲在著雍閏茂秋七月

聖駕出

山海關邁瀋陽恭謁

三陵紹

聖祖之

家法追懷

列祖繼世垂統萬年啟佑之成

竭吉戒塗經行內地不行圍不筵宴却高麗扎薩克
諸外藩之朝賀 鑾輿肅穆共帳不移烝徒無擾于
以省方觀民廣補助之仁舉懷柔百神之禮太常歲
事 大孝光照 盛典也 江鄉下士恭逢

皇上龍飛首祚曾應博學鴻詞科乾隆十六年復薦
舉經學自惟學術寡陋佔畢無成由直隸河工丞倅
薦陞府道奉職閩滇旋以軍需冊籍罣誤降調遵例
捐復茲當赴銓之時恭遇 法駕時巡 隆儀載舉

孝思維則曠越三古

臣

不勝掄揚

大美形容

盛德之思又憶五年前奉發雲南蒙 恩召見 溫

語垂詢

臣

曾就作詩文否

臣

今年七十有三雕蟲末

技結習未忘瞻就 光華遙睇珥筆侍從之班優乎
天上不揣荒疎鄙陋輒賦五言百韻叩獻 行在
恭呈 乙覽山雞舞彩儀鳳羽以何年小草傾陽効
葵衷於此日 且無任激切屏營之至謹拜手稽首而
獻詩曰

宗國星畿左 興京遼海東中天開王氣奕世襲淳風弓劍
三陵思山河百戰功撫時紆 永慕追遠展 純裒
孝治光天下 恩膏徧域中睠茲根本重稽古典章崇月
出衣冠舊時巡律度同燭柴喬嶽峙奠壁翕河漈 俯念勞
民吏遵途指竊鄆柳邊停宿帳碣石記郵筒水土涼汀便炊
烟蒨屋饒子來爭汎掃市集靜喧旺先甲 頌明詔新秋
啟玉驄 和鸞來迤邐長白望提龍星宿熨黃道烟嵐夾翠

龍巍巍峙龍虎肅肅守靈寢玉璫馨遙薦珠邱氣自翦綿

瓜徵繹繹黛栢列凡凡展拜

橋山下深惟

創

業隆十三戎甲奮千億

帝國雄

應運開室構

乘時

蕩祲秉義旗揮日耀雷鼓震天薩赫矣思

謨烈佳哉

望鬱葱薰蒿動悽愴

靈爽儼矐矐

馬汗猶流石龍髯

不挽弓風雲長共護霜露罔時恫

締造丕基輦

凝

承寶命隆餘威助

神武

大業益昭融遠定濊池部旋

除祚傲克髦頭掃星殛亥步極天幪競引梯山索類浮度海

鐘龍荒恢版籍雁塞開耕墾玉帛九垓會車書萬里通殊

勲歸黜佑

遺澤衍龐鴻拱極峯形邁朝宗水勢淙祥

輝晴縹緲雲氣曉冲瀾鍾毓傳靈寓苞符翊

聖躬

精

神通洵漠

治化契鴻濛紀運長開泰占年屢告豐八方徵

輶陸萬姓鮮斃癘 弭節遵周道 留都啓法宮時方際熙
皞 念益秉謙冲綈服去雕組茨牆謝璧珏不煩賀鵜鰈奚
取獻玃玃寶辭藩服笙簧罷瞽矇暫教停晏饗盡遣戢戈
罕旋 蹕商辰肅懸郊旭日彤扶桑延曉曙若木耀晴空關
勢雄嶢嶢漠支抱潰汎霏英凝浩露爽續拂高颺巨浪恬澄
練明霞絢綵虹碧霄鳴送暎蓬島鶴開櫻向是神仙窟今爲
雨霖叢村村收棗柿處處足葵菰築圃登新稼盈塲見束稷
溝塍紛綺繡稠壑響玲瓏登岫浮濃翠輕塵簇軟紅珠囊光
奕奕玉燭照熊熊法 祖真繩 武臨民每 達

聰 乾行周不息 允澤沛無窮喜洽謳衢子歡生擊壤翁
農歌溢阡陌 帝謂接崆峒微賤慙 臣質生成托 化工
經纔貽祖父志卽立孩童祇行希原季虛聲媿賈終 制科

叨薦剡賢榜隔飛翬素抱常傾藿生涯類轉蓬防河爲小吏
負土竭愚慙所幸邀 綸綍真看脫鞬籠七閩紆印綬六詔
駐車輓治仰東西漢賢師大小馮詩書化椎魯牒訴息隴訌
地產稱殷富人情率愿何最宜宣 德意相慶靖邊戎盈縮
籌軍智辛勤問鞠窮機絲綢熨女甌粟饜蠻僮僮俛期無駁
馳驅急在公涓埃虎報効文籍坐迷薜鐺級原非枉歸田詎
有病未甘僭散櫟猶是戀 宸楓自揣年非壯兼愁智復慢
之無字粗識亥豕誤能攻欣遇 文明代宏搜典冊藁冀分
藜閣火勝綳虎符銅咫尺 天顏近汪洋 聖度洪矢
音聊見志發覆願披忠祇自耽蟲篆何曾識豹臙庶幾 清
問及萬一下乘充寒意回枯柳清音出幾桐珠光借魚目驚
駕策霜鬣荆璞憐三獻羔皮飾五緹遙瞻雲紉纓欣迂 轡

瓏璫 至治昭巍煥 元音覺噴聾敢言供著作祈與願
蒙重跼隨班馬長吟等砌蟲十年濡賦筆百韻上詩簡親擬
籌添海呼宜響效嵩迎 鑿方濟濟抱惘轉忡忡葑菲如堪
採稊糠實待碧擊轅呈里曲翹首望 高穹

覺生寺大鐘聯句

華鐘鎮祇園

曹虎

廓然容萬斛佞佛成祖營

青浦王

役徒少師督

激電移歲時

上海趙文哲撰函

傳燈閱涼燠探勝攄遠懷

南滬吳省欽白華

趁閒

討遺謁車遲曾城阿

江寧嚴長明道甫

寺聳大道曲豐碑蛟螭蟠

平胡沈初

雲

巍座龍象蹴周遭庖廚

上海陸錫熊耳山

錯立枯松榦駁蘚鋪城

皆仁

倒茄麗榜枳威神屏方良

初

惟偉圖忽儵流鈴戛郎當

文

哲法鼓震塗毒繡繒內家旌

省

琳笈中禁軸幽響飄迦陵

長明

妙香散篤耨耽耽廣院呀

初

屹屹岑樓蠹齏柱擎坤維

錫熊雁

堂仿乾竺風櫺亞差參仁露棋盤歷碌上枕腰彎環初綠壁

脚才于蟻穿窬以深哲螺旋往而復趙趙符簾積省帖帖蒲

牢伏其圍四尋餘明厥徑三仞足重八千衡贏初高十六尺

縮積石儲廩固熊量袂越方幅頂同孟體團仁虎身作鏡光煜

辨各殊重脣初耳象類大腹排欒饕餮蹲文介篆虹蜺束昂

俄襲首撐省頊碎虬紋簇哆張陋釜鬻長雄時啞龔鬻有銑

兼有鉦初非算亦非鐻中懸廬肖寄熊下覆室成覆熊熊景

常猷虎黝黝色轉沃烟溫湧帝青初繚繞最官絲含霜九芒

寒文炫目五采昱鋒稜沙畫維省綆理錦交縛重爲遠匝行

明共作迴環讀華嚴續寶函初般若譯珠楨品經貝葉傳錫

真偈蓮花續體變盧佉文語想釋伽囑繇紐危自垂初鯨

桴怒相觸雷音走隆隆文鳳韻汜謾謾應大昭小鳴省中左

羽右喙豈立號立橫明長乃滿阡滿谷日動氣必宣初維空聲

斯蓄警宵分雞籌錫熊報午間魚粥旅魂感惻惶虎仁山鬼拜降

跼大地咸震醒初諸天正清穆聲聞豁塵襟哲文喟息稽故牘

主鬯藐孱孫省欽操戈恣悍叔時方息龍爭明長事忽符燕啄腹

心寄齊黃初羽翼剪代蜀葛藟忘庇根錫熊椒聊使盈剝啟疆

假以權虎仁峴器求所欲連營諸將驍初入幕一翁禿識誇瓦

墮空哲文計詭壁藏複飛鷗韞脫鷹省欽跳笑原走鹿歌風北方

強明長占繇南國感臨江勢已成初割地議空賈郭門喧征輦

熊陵闕閃戰蠹宮中傳披緇虎仁殿上儼受錄周公輔誰欺初

和尚誤難贖紀年付革除哲文鉤黨窮訊鞠著緋衷刃趨省欽要

經投筆哭跼呼冤哉烹明長狼籍弱之肉株連榜姓名初羅織

籍家族兩仗修羅宮錫熊列鋸波吒獄孰雪重泉愆虎仁莫逃一

字惡魯弓假不歸和周鼎遷重卜鑄鐵悔六州文貢金來九

收象功愧和平省懺禍懲殺戮大慈見應喚明宏願持較篤

濁劫經刀兵初道場會水陸咨考工庀材熊命將作敕屬銅

調牝牡和虎火扇文武熔製器僣工能承揮毫學士獨一磔

復一波文三薰更三沐幅整資臨摹省環圖試鏤鑿搏泥外

渾淪明化蠟中滲漉封冶長庚監初開鑪太乙矚瀉液凝碧

烟錫騰輝燦朱旭咒鱗降蜿蜒仁判畔鑿嚴觱審音析毫釐

和中度辨黍粟雄梁高引桓飛架圓轉輓大衆謹讚揚省

羣靈駭馳逐漫將豹魄招明直使陰魔服解脫驅三災初祈

求迓百福真諦參每煩熊善根種非宿是為有漏因仁詎稱

無量觀縱依淨土安和終伴吉金辱疚心積孽多文彈指流

光促沈埋痛瓜蔓省倉卒報榆木十朝舊物貽明萬壽崇基

築

明代是鐘本貯大內後移懷經殿萬曆五年建萬壽寺於舊賜出從紫閣初移

來近蒼麓聽周釋界干

錫撞選僧補六壇寂任禪緣虎廢興

易世局鴛舍藏至今

祖虎分禁自夙

天啓中有言寺在帝里白虎水不

地隨毫社遷

文世閱秦灰速啞棄堆泥沙省僵眠蔽撲檄刻

苔過客摩

長擲礫游童扑代已變滄桑初物仍寄輦轂流傳

四丁訛

燕郊紀聞云是鐘塔遺及徙置萬壽寺年月日時皆四呵護六甲肅

景運逢轉輪

仁昌時協調燭提唱通人天和秉持微道俗關

法開化城

文枿真榜靈囿挽以千馬車省貯之萬鱗屋奏殊

辟雍鼓

長陳擬房序玉 帝臨星罕移初聖作奎章

燭正覺顚蒙

錫多生遂熙育仁水源功德滋和雲氣吉祥

郁

文母愴憑弔情且暢登臨目長新詩如叩莛初用補春明

錄

熊

顧震

字葦田錢塘人乾隆二十二年 召試 賜內閣中書

二十六年成進士官至刑部員外郎有一得齋詩稿

蒲褐山房詩話葦田能詩尤工書法極爲梁文莊公所賞
丁酉科充江南副考官與今石菴相國同事號稱得人

湖灣種魚圖爲朱青湖賦

南湖水綠春雨初春波活活涵菰蒲潛鱗作隊自踴躍揚鬣
鼓鬣相吹噓漸看和氣滿大澤水蟲懷子占多魚覆巢殺胎
傳禮經意豈獨貸漁人漁漁人生計良獨殊浮家泛宅一葉
如長竿大網意未足更有筌罾罟罾罾與罾攔截中流若環
堵鳴榔鼓柁窮朝脯一寸二寸粥於市腥風涎雨充庖廚我
嘗當食投箸起可憐堆盤鱖蠓踰蟲蛆暴殄天物古所戒况
復剝腸剖腹奚止千萬餘魚生分合供刀俎惜哉胡不寬斯

須古來畫工多好事但繪溪山漁樂圖漁家樂兮魚族泣大
小得失分錙銖青湖居士寄興遠不向烟波利釣徒買得魚
苗種湖水豈其欲富師陶朱祝渠永離網罟厄子復生子或
有蛟龍儲我來披圖一軒渠悠然想見魚樂乎相看時作種
魚想生意滿懷魚滿湖

看菊和申拂珊少京兆

移得東籬菊滿堂招邀君屐爲花忙曲屏護處香彌冷細竹
扶將幹不傷插鬢任看風落帽捲簾尤愛月窺牆休疑昨夜
寒颼急此卉由來是傲霜

吳玉綸

初名琦字廷韓號香亭固始人乾隆二十六年進士官
至兵部侍郎降編修有香圃詩鈔

過函谷

雄勝稱天險，乘春事遠遊。
千山開函谷，一線入秦州。
烟雨愁鞍馬，風沙滿驛樓。
計程無幾日，萱草可忘憂。

華陰道上

嗟峨飛度碧雲環，百二雄封指顧間。
白帝降精凝華嶽，黃河倒影射潼關。
秦州車馬勞孤客，楚國風花改舊顏。
此去曲江亭上望，春波泛處浴鷗閒。

山下晚行

谷口無人野迤斜，秋風蕭瑟感年華。
四山落葉亂飛鳥，萬樹遠松明夕霞。
屢聽霜鐘尋古剎，擬沾春釀問誰家。
歸來巖畔寒星掛，倚杖空林數暮鴉。

秋閨怨

龍沙今夜月如何香霧雲鬟怨綺羅一段別愁君記取玲瓏
畫閣夜凉多

刀頭有約事全非斷續砧聲雁早飛落日胡笳秋色冷塞垣
何處寄征衣

李文藻

字素伯號南礪益都人乾隆二十六年進士官至□□

知州有恩平潮陽桂林諸集

蒲褐山房詩話素伯幼經志古肆力於漢唐詁疏以粵東縣令海鹽州牧引見
來京聞余有惠氏易漢學諸書至余寓舍借鈔大尉中漫寓冬汗沾濡衣襟不以
爲苦也詩不多作亦頗工楷如觀音殿諸詩尤爲雄健惜年未中壽歿于粵西其
餘著作無可表見者嘗約其友人周編修書索取經史著述之未世傳于世者刻
爲貨園叢書而素伯歿其後遂不能續今所傳者止此十二種而已

觀音巖三十韻

曉至觀音巖機舟試屣脚洞門呀然闢攝衣闔重鑰白日忽

昏夜明燈僅微燭拊楯山鼠飛垂地谷神諾屢折迷所向踏
石畏朽索一竅開絕頂俯瞰得寥廓奔瀧圍佛几來朝萬寺
嶢形肖靡不有獅象龍鳳鶴鍾乳當檐垂旛蓋倒蓮萼輪囷
寫毫光珠玉飾簾幕造物施供養萬古無銷鑠耄衲導我下
其茗半山開軒豁遊大厦息定興磅礴拂蘇睇高壁文字爭
寄託韓蘇所未到此景遂寂寞再下出洞口乃見飴山作南
遊爲美莊川囀入詩囊磨勒得此三南山連碧落愉悅新城
篇片石誰爲鑿回舟更仰首萬仞一斧削皴縐尺寸異渲染
朱綠錯五丁猶風聞何人布丹牒下有蛟螭蟠上絕猿猱躩
松桂挂石枝飛鳥偶附著對此一長嘯道然滿崖壑卻悔初
來時峭帆疾于鶚夜夜蓬島夢年年文書縛山英留奇勝及
歸踐昔約烟霞浮蓬窗兒女亦駭愕行厨問薪米將爲十日

泊

寄鄧謙持

見說炎方惡此來，殊不然。連山甘蔗地，細雨荔枝天。珠翠羊城，市笙歌，蜚戶船紛紛。恣清賞，天乞壯游緣。

嘉應州

風物隨方異，梅州二月天。沿溪鴉舅樹，近郭蜚孃船。山色暮愁裏，雨聲寒食前。還須求老酒，爛醉寫蠻箋。

丁橋

翠鳥鳴沙背，紅泉轉樹腰。行人將午飯，驛舍及丁橋。筍橋蠻兒舉衣箱，獐婦挑何人。教引灌辛苦，見秧苗。

遍除有事澄海

昨宵身世落鴻濛，溪郭山墟觸舶通。涼到有聲榕葉雨，綠來

湖海詩傳卷二十五

三

無際麥苗風蠻禽拍水春先滿瘴果登盤歲又終明日歸來
須痛飲屠蘇酌後忽成翁

惠定宇九經古義刻成寄示周書倉二十韻

紛紛數經義吳下見顓門紅豆無凡子青箱有肖孫心窮周
易與力破夏書渾僞傳成蠹粉多文挾本根堯年誰與語魯
殿巋然存亥豕因形識蟲魚視掌論障塵憑卻埽凝歎仗平
反許慎黜同策丁鴻義最繁校徒開絳帳仰屋謝朱軒鐘鼓
宜洪響鉞砭到病源直回秦室火終食孔庭膳世悟唐儒陋
人推漢學尊前身應左史接武或東原翠軸勞瑯寄花廳快
手翻鬢綠聽訟白眼到勘書昏鏤版從蠻徼傳家異兎園諸
生得津筏絕業在乾坤 聖詔求遺籍神州貢幾幡千官
品庖饌四庫盡瑤琨此帙寧磨滅煩君獻 九閭

稽承謙

字受之無錫人文恭公長子乾隆二十六年進士官至
侍讀有一枝直廬使輶蕉雨諸集

舟行感興

我生嗜山水一一記所見昨歸望龍山如識故人面澄泉滴
寒乳霜嶺明晚菡山靈知我思風雨態屢變攀躋未踰月扁
舟溯鄰甸朝陽莅鳳岡到處復留緬

奉和弇山中丞前輩東湖翫月元韻

閉門校藝春如夢微雨生涼夜似秋綠徧東湖堤畔柳清歌
落日快初遊

余以校士至鳳翔市月夜事太
守田公邀遊湖上為意日歌

鎖院敲吟憶古仙照牀明月鎮無眠桃花潭水深情在五馬
春風小駐年

蔣雍正

字秦樹號漁村懷寧人乾隆十六年 召試 賜舉人
二十六年成進士官編修

春草次袁存齋韻

東風作意草芊綿綠徧郊原又一年遊興任尋澆酒地客愁
多在賣餠天曾盤塞北千羣馬尙憶湖南萬里船何處銷魂
最惆悵蘼蕪山下夕陽邊

吳興宗

字繼羣江南華亭人大興籍乾隆二十六年進士官安
徽太平府通判有記里編

苧城懷古

不泛天隨宅誰尋范蠡湖暮潮隨月滿漁火隔江孤蘆華思

窮士烟波間釣徒腐儒江漢客一棹溯三吳

馮應榴

字星實桐鄉人乾隆二十六年進士官至鴻臚寺卿

蒲褐山房詩話星實英敏豁達有幹濟才既以江西南政使罷歸益肆力於典籍
聘人著書特御注李王漢詩最爲精贍書師其意以蘇文忠公詩注疏并尚多遺
取王楊溪施補之查初白諸本合抄之以攷其是非得失所採正史而外凡叢書
勝說可爲證據者靡不蒐討余捐金石萃編數文忠石刻頗多兼以復賢題數君
亦徵取之以爲助
亦可徵其精實已

題陸璞堂臬使適園灌畦圖

灌園逃聘稱知幾季世自合甘憂遠東坡種稻拾瓦礫慙勤
亦在投閑時先生生逢堯舜代釋耒通籍依彤闥文

章政事互彪炳霖雨方佐深仁滋忽然繪圖擬學圃適園

取義何淵微承家七葉植德厚培溉要使昌條枝更俾子孫
識至味勿以粱肉忘耕畝較根始可百事做澤物免令羣生

飢卷端自題屢致意豈容淺見尋常窺而我披圖轉根觸風
歡陳跡懷京畿空宅東西初邂逅平泉花木同因依

余始交先
生於合昆

耳山同年劉寓又進
出于文襄師門下

自從賓館脫累轡重感池塘夢草希我復歸田

謀救水露芽霜甲貧難肥仄閒雲間望鄉重清卿典膳增光
輝西江稂莠鋤削盡旋來吾浙邠膏施剪蔬雖虛故人召拔
薤已見頽風移今年蠶花倍告稔秋成飽飯良可祈只餘隴
蜀惡未刈崕峒麥熟遲休師宣房底績並緩報哀鴻中夜猶
鳴飛願君滲漙普垓壤無徒自適耽其私

哭陸朗夫中丞前輩八十韻

白日驚雷震騎箕信忽傳悲深湘竹淚淒絕楚琴絃未答平
生誼終虛後會緣才微慚述諫德備漏言詮盛壯馳英譽孤
寒舊大賢機雲推入洛鄒樂重游燕孰進王孫飯曾無子敬

璫高冠瞻獨立峻骨耻人憐韓愈書稀上歐陽鑒最先公為家君門下

士固知千里足必遇九方歟吟藥趨深禁含香近御筵地

當清切任秩拜度支遷汲引勤無倦迂疎愛獨偏嬰焦勞拂

拭冶躍藉陶甄擢官中書公即薦入振禁自後同直宿扈蹕者凡五年媿我等吹濫從公武接

聯星廬常並帳花苑每連韉健筆凝如鐵冲懷靜若淵儉甘

公膳飽暖戀故裘便下直耽吟誦羣書好貫穿八分家學遂

韓公度實先生稿五色彩毫鮮幾載相攜手同方罕比肩一麾樓

現蜃三接斗移躔雨露從茲渥冰霜自昔堅公出守登州次年東越屢蒙召對由

是驥駉浦珠還郡吐官燭罷宵燃所至能安堵寧惟不愛錢護

真同襁褓辱但示蒲鞭信諫言雖慙平反獄必研公守濟南會力爭一錢獄為之昭

雪忠看王馭叱威仰賈帷寒公權西堂觀蔡請奉太夫人南歸即赴任上為嘉許改調運河俾便迎養歷晉清泉均不離

左鈴署消羣盜公於王倫作亂時率屬防守城雘仍以時啟閉源流訂百川公著運河備考書恩教

依色笑績更著旬宣度量涵溟解丰標峙岱巔途方異水炭

行豈汙腥羶局以知難退操因自守全萱闡暉欲報 蓉闕

惻仍懸

公以太夫人年高乞養優詔允准

去有床留壁歸惟石壓舫駕湖隣暫卜

鶴筭景長延謝客餘羊仲窮經儼服虔貴猶親杖屨契益協

蘭荃坐久春風靄談深夜月圓慰衰供藥物候疾問餐眠公

於師誼久而不易

孝鳥鳴初急哀鴻瘼未蠲故官從特起

優詔爲行

權

公居太夫人憂時以河防未竣特留京情仍任東藩

山左輿歌遍衡陽閭寄專單車衡岳

雨襪被洞庭船列戟門疑水焚香事告天自然翔鸞驚詎待

效鷹鷂稂莠芟畦隴和甘被市廛謨猷垂可久勲業湖無前

隔刻書曾達兼旬疾未痊

公於六月朔日手書寄稱述病狀且云別有會心不以爲苦

去來原了徹

往復轉纏綿妖異徵棲鵬愁非視跼薦民肥身已瘠 眷厚

程寧涓回首鄉關遠崇朝館舍捐舉扶安第席占卜罷筵等

軫惜

層霄切

湘蒲以公淑告
上批諭可惜

悲號四境連慙遺無一老盡瘁竟

重泉竹是銜恩植碑緣墮淚鐫賻金貽舊採甘薯採遺編

官

山東臬司時偏甘薯錄一書爲補荒之策迨因豫東被旱大吏以公
警進呈上聞之嘉嘆

特勅刊布勸民種植而公歿已月餘矣

想像靈輜發蕭

條素旒旋斐孥仍異縣墓舍少良田清白堪遺後迢遙定證

仙全歸公已矣隻影我潛然樗櫟材成散蜩鳩性賦額屏藩

司重任邱岳積前愆苦藥嘗如此良箴勗慎旃同期心尾勉

互戒俗輕儇輦帶還褫職囊韃促赴邊自慚官守曠敢怨命

途邇

申命邀寬大餘生予滌前汙漿哀病驢飲露咽疎蟬

縲絏驂先解

桐田事奪職軍務
力公以俸廉助贖

雲羅網又牽路岐增悵悵雁遠託

勤拳銜結中懷矢迫維萬慮煎託孤心肯負撫抱痛應填知

已今誰偶招魂路幾千寢門迷渺渺芻束乏茆茆永輟床頭

苾重披篋裏賤黃墟過寂寞白髮洒潺湲有恨成終古無朋

伴老年衡茅他日返漬酒認荒阡

崔龍見

字慢亭永濟人乾隆二十六年進士官荆宜施道

癸卯冬暮杭州無軒司訓屬和芝山甥題湘管齋圖

元韻

廿年作吏無老屋官退恰如鮎上竹榻來從事古餘杭雪霽

湖山積寒玉太邱把臂恨較晚眉宇軒然照人綠休嗟冷滯

滯春盤會見幽蘭出香谷問君高齋何所有萬个琅玕悅心

日好事能藏漢代碑

君藏漢碑多善本

集古蚤著歐陽錄

近刻行寓寶編

爲言愛

畫通神解吾甥弄翰差免俗

芝山三爲之圖

卷中題識盡英賢絕莠同

工非異曲庭有懸魚今哲匠

君爲太守鄭樞先生門下士延賓賓

肯令坐客食無肉

待尋湘管諧素心

朱雲亭大令爲作素心閣圖

勝覽他時傳祇穆

春雨次趙味辛舍人韻

好雨及芳時疎梅半着枝雲低沾袂重苔淺上階遲烟柳張
思曼風花江總持陽和霄漢意留待舍人詩

儲祕書

字玉函宜興人乾隆二十六年進士官至黃州知府有

緘石齋詩稿

蒲褐山房詩話玉函好游汗漫兩度嶺南中年後始中甲科數試省郡一露出守
尋以罷官歸卒其詩淺而實腴清而不激正如素練輕縑雅宜時用五言有韻絲
紅稻雨帆影白蘋秋竹陰清石燈花色淡秋衣亂獨盤古塔凍鵲聚閑門海月迎
人滿山花背客妍苔階微霰白竹屋亂荆青玉初殘夜雪銀燭小曉春曉曉人花綠
小江空成角高雪屋寒吹黍風燈夜窮蔬七言有野雨舟橫新水渡曉涼人花綠
陰村雨色盡歸山一角春光恰到柳三眠客辰先覺涼風至鄉思空隨夜月盈衣
袖尚存慈母綫盤餐重剪故園蔬校園重見花如雪舊雨相看梅有綠絲蔭柳邊
孤寺掩春陰牆角一花明倚闌有母心空切負郭無田計總非燭殘客舍聽蛩語
葉滿長安送馬蹄同人每傳誦之又工倚聲見予
所採國朝詞綜與其鄉任曾貽史承謙相埒

枕石軒小集贈澤周

老屋倚城根幽人此高寄冷然琴聲罷剝啄時一至散帙坐
涼軒披襟受空翠微月映花叢林亭淡春意清譚易淹留薄
酌不成醉願言其晨夕永謝塵中事

瀨江道中

扁舟越寒溪蓬窻正愁絕餘霞散復收遠火明更滅匪叫一
天霜漁歸半帆月舟人指前灘灘水空陳蹟我行歎飄蓬望
望烟波濶濁酒聊自斟羈懷那可說平生對清景強半在行
役

過友人山居

招尋出城南迤邐翠微路峯陰豁清曉花氣釀春暮濃綠卷
山村鶯啼不知處連膝宿麥秀隔竹新泉注雞犬何脩然幽
人此間住摘蔬留客飯就石安茶具習習松下風遲遲暑景

度晏坐竟忘言義皇靜中遇

西城觀冰歌

層城兀峙西河灣茫茫千頃浮波瀾城頭三日北風吼雪花
如掌愁雲繁剝來風定水亦結大地凍合琉璃盤蓬萊宮闕
在人世品光照耀陵心顏點染但見亂鴉黑空明遠映霜楓
丹銅峯一帶忽無影晷晷竟作生納看我昔客游歲云暮層
冰嵯峨塞燕關行人利涉務巧製冰牀絡繹紛河干臨流不
作老狐聽宛然車轂交迴環可惜南人不解此膠舟歷塵蘆
花灘檣摧檣折納手坐凝空粒盡愁眉攢前村有酒沽不得
咫尺徒歌行路難

臺莊雨次

松花明驛路客子尙披裘山鳥呼泥滑人家過麥秋遠遊忘

節序多雨憶田疇照眼清淮近飄然一葉舟

丙子元月

楚岸光風轉輕帆拂曉懸江流開霽色山郭入香烟故國猶
千里征途又一年梅花曾有約計日盼歸船

寄跡

竟日衙門掩蕭然客館清竹烟寒不起松雪夜微明煮茗消
殘漏攤書戀短檠蹉跎歸未得愁絕歲崢嶸

松陵舟中漫興

路入松陵百里餘霜皋木葉未全疎風帆零亂潯陽外漁火
荒寒小艇初旅食苦無鱸作膽吟情惟有雁斜書經旬醉卧
孤蓬底誰道清遊勝索居

桐廬道中

山遶桐江碧四圍輕舟日日弄清輝人家一帶綠烏桕帆影
相連入翠微到處灘聲經雨驟等閒魚味及秋肥高蹤輪與
羊裘叟一片吟情屬釣磯

九日抵廣州

搔首南天對夕暉越王臺畔卸征衣宕蕘樓觀臨滄海縹緲
人烟接翠微鄉信更無鴻雁達秋風祇有鷓鴣飛今朝正是
重陽節何處東籬採菊歸

春日懷故園

天涯節序近傳柑嶺外梅花未許探最憶故園風日好霏霏
香雪石亭南

沈士駿

字文聲長洲人乾隆二十六年進士官編修

塞下曲

邊城木落雁南飛
颯颯金飈塞馬肥
今夜李陵臺上月
照人何處搗寒衣